

Monday, December 15, 2025

Time - 2:30pm - 2:35pm

**AKASHVANI AIZAWL
REGIONAL NEWS UNIT**

**REGIONAL NEWS BULLETIN
(MIDDAY)**



LADC COLIATION

Lai Autonomous District Council inthlan neih zawh takah, party malin sorkarna an siam mai theih loh avangin, Zoram Peoples Movement leh Mizo National Front-te chuan sorkarna intawm siam turin Lairam Legislature Party an din.

Party pahnihte thawh hona tur thuthlung a a lan danin, Lairam Legislature Party-ah hian party leader atan Pu T. Zakunga, ZPM party leader ni lai chu an pawm thu an tarlang a, a ni hi Chief Executive Member nihna chelh nghal tura tih a ni a, Deputy CEM, Chairman leh Executive Member post pathum chu MNF legislature party lam chan tura tih a ni a, ZPM legislature party hian CEM bakah Executive Member post panga chang tura ruahmanna siam a ni bawk.

LADC sorkar thar tur Lairam Legislature Party-ah hian CEM, Deputy CEM, Chairman leh Executive Member post nilo MDC te tana post dang chelh theih chu CEM ni mai tur Pu T. Zakunga leh MNF legislature party te inbiak rawnna atanga hnawhkhah mai tura tih a ni.

Lai Autonomous District Council neih zawh takah hian MDC 25 awmah MNF in MDC pariat, Congress Party-in pasarih, ZPM in paruk, BJP in pahnih bakah independent-a tling mi pahnih an awm bawk.



FCI MIZORAM

Food Corporation of India chuan Mizoram chhunga an kudam hrang hrangah buhfai metric tonn 21,269 hralh chhuah tur an kawl mek thu an sawi.

Mizoram a FCI hotuten Akashvani News Aizawl an hrilh danin, Mizoram chhung hmun hrang hrang a an kudam-ah buhfai chhek khawl dinhmun a that thu an sawi a, Aizawl kudam-ah buhfai metric tonn 3125. Kolasib kudam ah metric tonn 3933, Bualpui kudam-ah metric tonn 3213, Lunglei kudam-ah metric tonn 2444, Bairabi kudam-ah metric tonn 4769 bakah Lawngtlai kudam-ah metric tonn 2725 a awm mek thu an sawi.

Kan Correspondent report i lo ngaithla ang

Voicecast

Food Corporation of India Mizoram Divisional Manager Pu Bankim Phonglo chuan kumin sorkar tangka kum chhunga vawiin December ni 15 thlenga FCI in Mizoram a buhfai a lakuh zat chu metric tonn 77034.43 a tlin tawh thu leh hemi phurh luhna atan hian rail bungraw phurhna rake 39 lai hman a nih thu Akashvani News Aizawl a hrilh a ni.



MADC

MADC-a Environment, Forest and Climate Change Department buatsaih in Hraisua Dipaw Festival vawi 3-na chu vawiin khan hlim taka hman a ni.

Kut hawnna hi vawiin khan Hraisua Hills ah neih niin MADC-a Chief Executive Member Pu M. Laikaw chuan a hawng a, thusawiin Forest department hmalakna a Hraisua Hills hawn thei a ni chu lawmawm a tih thu a sawi a, Hraisua Hills chu len khawthawnna tur leh chawlh hahdamna tur park tha tak a ni thu sawiin, mipui te chu a enkawlina leh faina chungchang ah sawrkar hmalakna chauh ngaichang lo turin leh park hawn thar chu fai tak a kalsan thin turin a chah bawk. Mipui kalkhawm te chu DiPAW festival ah hun hlimawm tak hmang turin duhsakna a hlan nghal bawk.

Siaha District Bawrhsap Pu VL Hruaizela Khiangte pawhin thusawiin, Hraisua Hills hawn a ni thei leh festival hman theia awm chu lawmawm a tih thu sawiin, Siaha District ah hian zinmite tlawh tur hmun hmingthang tak tak a tam thu sawiin hemi chawilar kawngah a mi cheng te theihtawp chhuah a tul thu a sawi a ni.



PM BEGINS THREE NATION VISIT

Prime Minister Narendra Modi chuan ram pathum Jordan, Oman leh Ethiopia-te tlawh turin vawiin khan India a chhuahsan.

Heng ram pathum zingah hian Prime Minister chuan Jordan a tlawh hmasa ber ang a, Jordan-a a cham chhungin Jordan lal King Abdullah leh Prime Minister Jafar Hassan bakah India mi, Jordan a awmte nen inkawmna hun an nei ang, Jordan atang hian Prime Minister chuan Ethiopia khawpui Addis Addaba chu naktuk lamah a pan leh ang a, Ethiopia-a a cham chhung hian Ethiopian Prime Minister Dr. Abiy Ahmed bakah Ethiopia Parliament thutkhawm a telpui bawk ang.

Prime Minister Office thuchhuahin a tarlan danin, nilaini hian Prime Minister chuan Oman khawpui Muscat-ah Oman lal, Sultan of Oman nen India ram leh Oman-in kum 70 chuang thawh hona an kalpui dan an thlir let dawn a ni.



BJP APPIONTS NEW WORKING PRESIDENT

BJP Parliamentary Board chuan Nitin Nabin chu an Party president atan an ruat.

BJP President thar Nitin Pabin hi kum 45 mi niin, BJP President ni tawh zinga a naupang ber leh Bihar atanga BJP Prsident ni thei hmasa ber a ni a, tum nga Bihar MLA atan thlan tlin a nih tawh bakah tunah hian Bihar sorkar-ah minister ni lai mek a ni.



EXTERNAL AFFAIRS MINISTER MEETING AT ABU DHABI

External Affairs Minister Dr. S. Jaishankar chuan India leh United Arab Emirates te thawh hona kal zela thutkhawm pawimawh 16th Joint commission leh 5th Strategic Dialogue chu a telpui.

He thutkawm hi Dr. S. Jaishankar bakah United Arab Emirates Deputy Prime Minister leh Foreign Affairs Minister ni bawk Sheikh Abdullah bin Zayed Al Nahyan chuan a telpui bawk a. United Arab Emirates a tlawh hnu hian External Affairs Minister chuan Israel a tlawh leh ang.

